

مجموعہ ابوالضیا

ماسوا شائبہ ستدن دلی تطہیرہ چالش
پرتو حکمت و عرفان ایلہ تصویرہ آتش

علوم و معارفدن بحث ایدرہ و ہر ماہ عربی ابتدائیلہ اون بشدہ نشر اولنور فنون غزتہ سیدرہ

نومرو ۷ [فی ۱۵ ذی الحجہ سنہ ۱۲۹۷] نسخہ سی ۳ فروش

روسیه

پترسبورغده بو سنه به مخصوص اولق اوزره عالم تمدنك هر برطرفيله
مخبره منقطع ايمش كي احوال خارجيه اخباراتي قاله آلمانق موداسي ايجاد
و بو خصوص غرائب ترقيدن معدود اوله جق درجه لده اعتياد ايدلمشدر.

يونان

آتنده اك جدی مباحث عالم خويلاده صاحبقرانلغه منحصر و پيروپونا
و اصاغر و كبرا بر كون اولوب، يونانس-تاتك يالكز اوروپايه دكل بتون
جهانه حاكم اوله جقي اعتقادنده مصر ايمش .

ديتاتك هر طرفنده بر برندن اغرب اولان شو مأثر جنونه مصدراولان
ام و ممالكه مقابل يالكز ايكي مملكت و ياخود بري بيوك و ديكری آندن براز
كوچوك ايكي امت كوريليسوركه اولكيسي آلمان و ايكنجيسي ايتاليانلر
اولوب، آلمانلر علوم و معارف ايله اساس سعادت بشر اولان اخلاق فاضله
اكتمابنده ترقی به ساغی و ايتاليانلر دخی صنایع نفیسه نك انفس واعلاسی
اولان تصاویر و موسیقی ايله ذوق و شوقلرینی داعیدر.

فنون مالیه

(مابعد وختای)

حواله اولنان تخصیصاتك ژورنالی امرلك يكون و اجالی حواله
كاغذلريك صره سیله بودفترده قید اولنور . قیود بهر ماه فصلنده
امرلك تاریخی اوزره اجرا اولنور . بهر ماه قیودینی اكمال ایچون برمدت
تعین اولمشدر؛ و مدت مذکوره بهر ماهدن صکره کلان ماهك بشنه
قدر فسخ اولنان تخصیصات دخی مالیه باش کتابتندن اولنان اخبار اوزرینه
قیودده تصریح اولنور .
تصدیق اولنان استحقاق دفتری اصحاب مظلومك استحقاقلری

محاسبه ابله تعین ایلدکده حواله سندلرینک اعطاسی تأخر دخی ایتسه بو
دفتره قید اولنور . ایکنجی درجهده امر ویرنلر یعنی محاسبه جیلر معیت
مأمورلرینک استحقاقنی دخی هرامهک صوک کوننه قدر قید ایلدکن
صکره تصدیق استحقاق دفترینی قیادری .

حوالاتک ژورنال دفتری حوالاتک ژورنال دفتری درعقب وصره
نومروسیله ایکنجی درجهده امر ویرنلر یعنی محاسبه جیلر طرفندن اعطا
اولنان عموم حواله سندلرینک قیدینه مخصوصدر .

نوع مصارف اوزره حساب دفتری نوع مصارف اوزره آچیلان
حساب دفتری بودجهنک مقرداتی موجبجه تعین اولنان تخصیصاتی واعطا
قلنان حواله سندلرله تأدیباتی کوسترر؛ اشبو دفترک تنظیمی ایچون ویریلان
امرله استنادا حوالاتک یومیه دفترینه وفسخن قیدینه وسندتاک یومیه
دفترینه و بهر آیک اوننه قدر خزیننه محاسبلری طرفندن تأدیه اولنان
سندت قیدینه مراجعت اولنور .

ایکنجی درجهده امر ویرنلرک شهریه ژورنالی بهر آیک اوننده
ایکنجی درجهده امر ویرنلر باش کتابت مهریله هریر بودجهنک تاریخ
ختمانه قدر و اولکی آیک صوک کوننه واصل اولق شرطیله ادارهنک
محاسبه دفترندن چیقاریله رق اجالی مالیه ناظرینه تقدیم اولنور؛ هرآیک
محاسباتی کلهجک آیک بشنه قدر اکل اولق مقتضی اولدیغندن، خلاصه
جدولنک تقدیمی بوقاعدهیه طوقنر .

خلاصه جدولنده معاملات قید اولنوب، نوع مصارف اوزره آچیلان
محاسبانک یکونلری و اصحاب مطلوب استحقاقنک قیودی یکونلری خلاصه
صهیه یکیریلور .

تخصیصات وحوالات یکونلری یومیهلرینه مراجعتله مقابله اولنور . مالیه
ناظرینه تقدیم اولنان خلاصه و اوراق سائر ابله برابر بونلرک ارسالته
دائر بر مکتوب دخی کوندریلور . مقدا بهر ماه ختماننده شهر سابق

ایچنده مأمورینک تبدلاتنه و معایش ايله مصارفک تعدیلانته دائر دخی مالیه ناظرینه بر خلاصه و بریلور ایدی .

ایکنجی درجه ده امر و برنر دفاترنده کی تصحیح خطا . ایکنجی

درجه ده تأدیاته امر و برن بر مأمورک دفاترنده قیود و معاملاتنجه بر کونه سهو و خطا و وقوعبولورده شهریه ژورنالک ارسالدن صکره تبین ایدر ایسه اوسهوک تصحیحی کرک حسابانده ضمی و کرک تنزیلی موجب اولسون تبین ایلدیکی کونک تاریخیله بر صورت مخصوصه ده قید و اجرا اولنور؛ بو تصحیح قنغی ماه ایچنده اولمش ایسه اوماهه طائد اولدیغندن، اوماهک محاسبانده تصحیح سهو اولنق اوزره ضم و یاخود تنزیل و وقوعبولور؛ هر حالده قیود سابقه ده اصلا ضم و یاخود تنزیل اجرا اولنمز .

برماهک محاسبانده معاملات شهریه جه تنزیل و وقوعبولق ایجاب ایدر ایسه معاملات مذکوره جدولک ملاحظات خانه سمنده اولا ماه مذکور معاملات یکونی و بعده اسباب تنزیل ايله برابر تنزیل اولنجه قی مبلغ دخی بیان اولنوب، معاملات شهریه نک صافی یکونی هر نه به بالغ اولور ایسه کوستریلور . برماهده فسح اولشان مبالغ و تنزیلانندن نقصان ظهور ایتدیکی حالده سرخ ايله اوماهک جدولنده قید و اشارت اولنور . اولکی جدول شهر سابق جدولک تمامیله نقلندن عبارت اوله جقدر .

تأدیة اولنمیان امر و حوالات قیودنک فسحی بر سنه مالیه دن صکره

کله جک دیگر سنه مالیه آغستوسنک اوتوز برینه قدر تأدیة اولنمیان امر و حوالات معتبر اوله میسده جقلرنندن، بونلرک یکونی تاریخ مذکوره کرک مالیه نظارتنک و کرک ایکنجی درجه ده امر و برنلرک قیودنده فسح اولنور .

سنه مالیه نک انقضاسنده علاوه استحقاق تصدیقی بر سنه مالیه نک

تسویه محاسبانندن اول مالیه نظارتنک قلملری و مصارفک تسویه محاسبات

و تأدیاتنه ایکنجی درجهده مأمور اولانلر اداره لرنده مطلوباتی بولنلارلرک
متباقی آقچه لرینی تسویه یه وسنه ختامنده حساب قطعی یه ادخالی لازم کلان
مبالغی تحری و تدقیقه همت ایده جکلردر .

(ایکنجی درجهده امر و برنلرک حساب قطعیه سیله بوکا دائر اولان سندات)
ایکنجی درجهده امر و برنلرک محاسباتنک کافه دفتری هر سنه مالیه دن
صکره کلان سنه نك آغستوس ۳۱ نه قدر یورنلر یلور ؛ تاریخ مذکورده
قیود و دفاتره مراجعتله بر حساب قطعی تنظیم و نظارت مالیه سر کتا -
بته اعطا اولنور . مذکور حساب قطعی ایله برابر اولان سنه سابقه
ایچون تبیین ایدن استحقاق و تأدیات موجبجه بقایاده بولسان مبالغ صافیه
جدولی و ثابا تبیین ایدن استحقاق و تأدیات موجبجه مأمورینک معایشندن
طولانی مصارف مفرداتی دخی تقدیم قلدور . ذکر اولسان ایکی جدولک
یکونلری حساب قطعی یه موافق اولمق لازم کلور .

قیودک قیامتی مالیه ناظری بر سنه مالیه نك مخصوصات مقننه سنک
تسویه قطعیه سنی ایکنجی درجهده امر و برنلره تبلیغ ابتدیی تاریخدن
اعتباراً بولنلرک اوسنه مالیه به مخصوص ژورنال دفتری و قیودی قیانور .

*

تحریر املاک اداره سنک دولت بودجه سننده واردات و مصارف
جهتلری بولنوب مصارف اولان ایالات مجالس عمومیه لری و یاخود ناحیه
مجلسلری طرفندن نظام مخصوصی موجبجه قبول اولنان رسوم منضمه
و یاخود افراد طرفندن بعض عملیاتدن طولانی ویریلان مبالغ و ثابا هر سنه
بر قرارنامه موجبجه بودجه نك واردات عمومیه سنندن تخصیصات ایله تسویه
اولنور . واردات مخصوصه ایله تسویه اولنان تحریر املاک مصارفی ایالات
بودجه لرینک ایکنجی قسمنده مصارف مخیره مقامنده قید ایدیلور . مصا -
رف مذکوره بر سنه مالیه دن صکره کلان سنه نك ۳۱ مارت تاریخنه قدر
امر و محاسبه سی تسویه اولنه حق و نیسانک اوتوزینه قدر تأدیه سی ختامنده

مصارف مذکور ه دن بش سنه صكره فسح اولنق اصولته تابع اولمبوب،
ديكر مصارف حكومت ايجون جارى اولان اصولدن مستثنا اولهرق، سال
بودجه سندن وديكر سال موازنه سنه كچيرينه جك مبالغدن تسويه اولنه بيلور.
سنه مالبه ختاعتمده تحرير املاك تخصیصاتندن متباقى مبالغ موجوده
كا كان سنه آتیه بودجه سنه نقل اولنور .

بر سنه مالبه دن صكره كلان سنه نك نيسان اوتوزنده تحرير املاك
مدیری، قیودینی وزنه دار عمومی قیودینه تطبیق ایلدكن صكره كرك
مبالغ معینه دن و كرك قبول اولنان رسوم منضمه دن تحرير املاك ايجون
تأديه قلنان مبالغ مقداری تعیین و صرف اولمبوب سنه آتیه بودجه سنه
نقلی لازم كلان تخصیصات قسمی تصریح ایده جكدرك .

تحرير املاكده اجرا ایدیلان تعديلات تحرير املاك تعديلاتی
ايجون وقوعبولان مصارف بودجه نك مصارف عمومیه سنه داخل اولور .

مطبوعات قلمی مأثورلندن سابق
اصلاحات مالبه قومینوی مترجمی
بغوص پار تاسیان

تمت

استاتیسٲیق

فرانسه ده دخان و انقیه نك
تحت انحصاره ادخالنه ۱۸۱۱
سنه سنده باشلانمشدر .

صرفیاتك حساب متوسط او -
زره مقدار سنو یسی یكرمی بیك
طونه یه بالغ اولمقده در كه عموم حكو -
مت قاریقه زنده یومی ۴۰ بیك
كشی اشتغال ایتكده بولنمشدر .

* * *

روسیه اهالیسنك یوز ایکی
اركك چوجغه یوز قیر چوجق
اصابت ایتكده ایسه ده ممالك مذ -
كوره ده بولنان یهودیلرده بونسبت
برعكس اولوب ۱۰۰ اركك چو -
جغه ۱۳۰ قیر چوجفی اصابت
ایتكده بولنمشدر .

* * *

فرانسه ممالككنده سنوی برملیار
۳ یوز میلیون بوتقال شراب